



Inatsisartunut ilaasortaq, Ruth Heilmann (S)

19. februar 2010-mi § 36 najoqqutaralugu Ruth Heilmann (Siumut) tusilartut innarluutilillu pillugit apeqqutaanut akissut

5.marts 2010
Sagsnr. 2010-026923
Dok.nr. 323852

Ruth Heilmann tusilartut/innarluutilillu nunatsinni inuuniarnerminni atugarisaat pillugu apeqquteqaataanut qujassuteqarusuppunga .

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: in@gh.gl
www.nanoq.gl

1-kkut

Naalakkersuisuni innarluutililit inuuttaasut allat naligalugit inooqataalernissaannut eqqortunik iluaqusersuutinik atugassaqartinnissaasa qulakkeerneqarnissaata pingaaruteqassusia annertuumik eqqumaffigaarput.

Siusinaartumik pensionisialik imaluunnit pisortanit ikorsiissutinik pisartagaqartoq aamma innarluutilittut nalunaarsorsimasoq, computeritaarnissaminut aningaasatigut tapiiffigineqartariaqartoq nalilerneqarpat, inatsisitigut tapiiffigineqarsinnaanera periarfissaqarpoq. Kisianni innarluutilinnut iluaqusersuutit computerimik tapiissuteqarnissamut innarluutilinnut ikorsiisutit aqqutigalugu periarfissaqanngilaq.

Naalakkersuisut 2010-mi interneti aqqutigalugu ilisimasanik –innarluutilinnullu siunnersuisarfimmik pilersitsippu (IPIS), taanna internetikkut uani nassaarineqarsinnaavoq: www.ipis.gl. IPIS-kkut inuuttaasut tusilartut matoqqasumik isumasioqatigiissinnaanissaat ajornanngilaq, tassuunakkut imminnut attaveqaqatigiissinnaapput. Innarluutilinnut immikkoortortaqarfimmi tusilartunut siunnersortip maannakkut misissuleruttorpaa, inuttaasut tusilartut akornanni neqeroorummumt taamaattumut peqataarusuttoqarnersoq.

3-kkut

Naalakkersuisuni inuiaqatigiinni kiserliornissap pinngitsoortinnissaa pingaartitorujussuuvarput. Tamanna pissutigalugu uagutsinnut pingaaruteqarpoq, tusilartut inuiaqatigiit nalinginnaasumik ingerlaneranni peqataatinneqarnissaat imminnullu naapissinnaanissaat. 2010-mut Aningaasanut Inatsimmi ukiunut Kingullernut naleqqiullugu aningaasat 250.000 kronit tusilartut naapeqatigiinnissaannut immikkoortinneqarsimapput. Tusilartunut siunnersorti IPIS-ilu tusilartut

naapeqatigiinnissaat aaqqissuunniarpaat, tassani sammineqassallutik tusilartunut tunngassuteqarsinnaasut.

Ukiunut aggersunut missingersuusiorfiusunut Naalakkersuisut 300.000 kronit tusilartut ukiumoortumik naapittarnissaannut pikkorissartarnissaannullu immikkoortitsisassallutik naatsorsuuteqarput. IPIS-ip pilersinneqarneratigut innarluutilinnik soorlu innuttaasunik tusilartunik ingerlaavartumik attaveqarsinnaalerput, pisariaqartitaannik kissaataannillu tusarfissaminnik, Naalakkersuisut taamaattoqalernera pitsaasumik alloriarnertut isigaat.

4-kkut

Naalakkersuisut isumaqarput, innuttaasut tusilartut innuttaasut allat naligalugit inuiaqatigiinni peqataasinnaasariaqartut. Taamaattoqassappat tusilartut inuiaqatigiinni nutaarsiassaasinnaasunut malinnaasinnaasariaqarput. Taamaammat pisumi uani interneti sakkuvvoq pingaarutilik, taannami aqqutigalugu innuttaasut tusilartut inuiaqatigiinni oqallinnerannut peqataanissaminnut pitsaanerusumik periarfissaqalerput.

Innarluutilinnik sullisisut ingerlaavartumik misissortarpaat, interneti atorlugu qanoq tusilartut atugaat pitsanngorsarneqarsinnaanersut. IPIS-ip avataatigut innarluutilinnik sullissivik pilersaaruteqarpoq tusilartut interneti atorlugu assitigut imminnut isigalutik oqaloqatigiissinnaanissaannik ineriertortsiniarluni. Aammattaaq maannakkut misissorneqarpoq Kalaallit Nunaanni tusilartut peqatigiiffiat pilersinneqassanersoq pisariaqartinneqarnersoq.

Naggataatigut erseqqissaatigineqassaaq, Naalakkersuisut innuttaasut tusilartut periarfissaqartutut tunniussassaqartutullu isigimmatigit. Taamaammat Naalakkersuisunut pingaartuuvoq tusilartut peqataanissamut periarfissiisunik – aamma inuiaqatigiinni tapersiisinjaassuseqartutut inissisimalernissaat anguniarlugu sinaakkusiortoqarnissaa.

Inussiarnersumik inuullaqqusillunga

Maliina Abelsen

Isumaginninermut Naalakkersuisoq